

BERGGEIT

Prinses
Monica



Carnavalsgazet
C.V. De BERGGEITTE
Bemelen

2020

‘t Gezetsje 2020

47^{ste} Oetgaaf
“Gekke Kraant” veur ‘t
BEMELER-LAND



Carnavalsvereniging
“De BERGGEITTE”
Bemelen

'n Letste weurdsje van de Prins...

Breefke van miech.....

Ut waar moandagoavend, de deurbel geat, iech dag... wee moet dat noe in godshoam zien.

Dus ich doan de deur ope stoan doa Ralph en Guy mit de vraog of ze un glaas beer kinne koame dreenke. Op dat momint had iech nog niks door.... Iech dach die koame bedelen veur geld veur ut Krütjefeast.

Noa unne hiele tied gezete te höbbe en iech nog altied niks doorhad vroog iech toch mer uns wievoal geld ze nudig hadde. Boe op ut antwoord waar dat dit neet het geval waar. Nog altied had iech niks door.

Noa nog un fles beer en unne hoap gebazel later koam doar un opmerking vanoet de jongens, toen waar ut stil, hiel erg stil, un haaf oor laank stil...

Noadat ut bij mich bezoonke waar höb iech oangegeve dat iech miech mos bedeenke en de aandere daag teruk zou belle. Dit höb ich auch gedoon en vol euvergave JOA gezag. Bemelen had unne neuije Prins.

Ut geregel begos en noa hiel get uurkes veur de spiegel te höbbe gestande wie iech oet die does mos koame waar ut dan zowiet. De spanning, de zenuwen, wie moet iech ontsnappe en daan de ontlading, de bis Prins van Bemelen.

Dan beginnt de achboan, wat unne tied, wat un leuke luij en wat un top oavende op alle zittingen, recepties en alle aandere feeste. Noe iech bijnoa kloar bin besef iech nog altied neet gans wat miech allemaal euverkoame is. Dee tied kump nog wel....

Leef luij, Hartstikke bedaank!

Danny



PROGRAMMA 2020

*Op sjtap met
Carnaval?
Heij is dat feeske!*

Zaterdag 1 februari:

Carnavalzitting in het Gemeenschapshuis
aanvang 19:49

Zondag 2 februari:

Foto's ophangen café Roemers
aanvang 15:00 uur

Zondag 16 februari:

Kindermiddag café 't Plateau
aanvang 14:11 uur

Woensdag 19 februari:

Ouderentijd van de Hoeskamer Hotel Bergrust
aanvang 14:11 uur

Zaterdag 22 februari:

Feestavond café 't Plateau

Dinsdag 25 februari:

Grote optocht in Bemelen en feest zaal

Woensdag 26 februari:

Asgoonsdig en hieringenbiete
café 't Plateau



ATTENTIE!! ATTENTIE!! ATTENTIE!!

ERNSTIGE WAARSJOUWING VEUR DE INWOENERS VAN BEMELE EN UMSJTUREKE

't Ministerie van Volksgezondheid en 't Ministerie van Natuurbehoud wille uuch attent make op 't volgende:

In de bösje in de omgeving van Bemele is 'n forsje toename van de EIKELMOES gesinjaleerd. Bliekbaar veule de bieskes zich heij zoe good thoes dat ze d'raan goon wie de knijns (of nog erger). De deskundige die zich met 't eikelmoes-projek bezig houwte, höbbe in de aafgeloupe moande diverse poginge gedoon um zoe väöl meugelik eikelmoeze oet te zette, mèr ze zeen tot de ontdekking gekome dat d'r gaaroets geine oet-knop op zit. Bliekbaar 'n productiefout. De eikelmoeze sjtoon dus doorloupend in de aan-sjlaag (veural de mènnekies) woedoor d'r altied mieér kome. Mèt alle gevolge veur de volksgezondheid van dien. Inmiddels is de towsjtand zoedanig verergerd, dat d'r volges de ministeries in Bemele sjprake is van eine echte plaog.

Um oetbreiding van de eikelmoeze-plaog tege te goon, en um weijere sjaaj veur de gezondheid te veurkome, vraoge 't Ministerie van Volksgezondheid en 't Ministerie van Natuurbehoud de inwoeners van Bemele en umsjtreke um veurluipig – in eeder geval tot nao de vastelaovend – de volgende veurzörgsmaatregele in ach te neume:

1. Es geer in de bösj 'n eikelmoes tege komp: neet d'r op aaf goon, mèr sjtil blieve sjtoon tot ze de andere kant op kiek, dan veurziechtig achteroet loupe tot geer op veilige aafsjtand zeet, en dan de pliesie belle.
2. Es geer tijdens 'n wandeling door de bösj plotseling hoege noeëd veult opkome, gangk dan zoe sjnel meugelijk nao hoes um dao uuch behoeft te doen. IN GEIN GEVAL WILDPLASSE!! Eikelmoeze heite neet veur niks zoe. Ze zeen gek op eikels, en ze höbbe sjerpe knaag-tàn. (Dees waarsjouwing geldt vanzelfsjprekend allein veur mansluuj. Veur vrowluuj is 't risico aanmerkelijk kleiner. Behauve es ze mèt eine eikel getrouwde zeen, mèr dan höbbe ze zoewiezoe al 'n probleem).

3. Deskundige deenke dat 't vanwege 't besjmettingsrisico neet versjtendig is um in de bösj ein eikel aan te rake, ongeach of 't die van uuch zelf is of die van eine andere.

4. Zeet geer mèt 'n agressieve eikelmoes in aanraking gewaes, dan moot geer uuch zoe sjnel meugelik veur behandeling bee de hoesarts melde. LET OP: aauch es geer neet metein ziechbare verwondinge höb, is 't aan te raoje um de hoesarts te bezeuke. Besjmettinge door de eikelmoes weure soms pas nao nege maond duudelik. De versjeinsele van zoe'n besjmetting zeen vergelykbaar mèt de symptome van kloetvink-koorts (bee mansluuj) of mössjegriep (bee vrouluuj).

Es geer uuch aan dees veursjrifte kint houwwe, verwachte de ministeries dat de ergste gevolge van de eikelmoeze-plaog op z'n lèts met Sint Juttemis achter de rugk zeen.

Veuroethoupend dao-op haet 't Ministerie van Volksgezonheid 't verbod op 't sjpele van darts in openbare gelegenhede alvas ingetrokke. Volges de lètste informatie van deskundige is de lètste pikvogel inmiddels gevaccineerd en dus neet mie besjmettelik.




Get ready to rumble....
Coming soon:



The REMATCH..

Featuring:

*Rocky
Balboa Jean*



Tom van Leeuwen

Oude Akerstraat 30
6268 ND Bemelen

will1924@planet.nl
0434071852
0641575850



HENRY VIII

—Pub—

VALKENBURG A/D GEUL

ROEMERS
EETCAFÉ

Dierenkliniek
Maastricht





Daot mèt, en weur lezer van 't Carnavalsseizoen 2020 !

Net zoe es eeder jaor organisere veer van de caranavals vereiniging same met d'r Tump weer unne "lezer van 't jaor" verkeezing of, in os geval, unne "lezer van 't carnavalsseizoen" Väöl succes !!



Foto 1

- A. Fusie raod van elf en FC Bemelen wegens te wienig ledens..
- B. Nuj sjponsor tenu van de FC Bemelen gein succes...
- C. Toesfluiter FC Bemelen, kreig vear in de vot gesjtoke (mis, mer dat kreigste met zoe 'n bloete batse geziech,...)

Foto 2

- A. Eve op de vingers telle veur te besjelle,..
- B. Joonkheid terök van umzagen meiden
- C. Beeles rekenen veur Camiel nudig umdat heer bee de bank geit werreke,..





Foto 3

- A. Kiek, dao sjiteit unne Vespa, allein de besjtuurder is d'r van aaf gemieterd
- B. Zuinig zoen Vespa, 1 op 20, dat'luk Didier neet...
- C. Iech zaot toe-toe toeter op miene Vespa-scooter....

Foto 4

- A. Plaatsvervanger pesjtoer tijdens processie is e bitteke loco loco..
- B. ...ja, dan wètse al bee veurbaat dat de Battle of the Sexes verlore is,...
- C. Wachtrij veur keertsjes Krutjefees 2020 kump al vreug op geng,...



Foto 5

- A. De Dela geit langs de deur veur verzekeringspolisse
- B. Jehova getuigen presentere trots hunne nuijste wachttore in kleur...
- C. Krutsje team ingehuurd veur sjnelle verkoup kaarte Zitting, zoe oetverkoch...

Foto 6

- A. Nao bissjop noe nóch hoeger kerkelik bezeuk in Bemele: Paus Andriënus V..
- B. Opvolger Pestoer Pijpers sjteit al klaor...
- C. Oranjesupporter wach al 75 jaor op 't waereldkampioensjap...



Foto 7

- A. Nuij menier van collecteren in Bemele sleut aan...
- B. Eindelik nuij barpersoneel kantine FC Bemelen
- C. ...mer veer vraoge os aaf boe ze 't kleingeld noe duijt...

Foto 8

- A. Sjheels mier jongeren in Bemelen in Huwelijksbootje...
- B. Druugleggen wandelweeg in Bemelen neet gelök...
- C. Verpliechte cursus "wie kiep 't huwelijksbootje neet um" van sjtart



<p>Foto 9</p> <ul style="list-style-type: none"> A. Vrijwillige Brandweer of vrijwillig Brandbeer in Bemelen... B. BOB service café 't Plateau: Bezopen? Oplajen Bergaaf.. C. Cafébaas nog lang neet oetgeblus... 	
	<p>Foto 10</p> <ul style="list-style-type: none"> A. Hersentransplantatie Pascal geluk, heer is noet net zoe sjlum es zie breurkes... B. Winnaar trekker-trek St Gieteren veur dopingcontrole nao AZM C. Nuije chauffeur preensewage Bemelen is d'r klaor veur...
<p>Foto 11</p> <ul style="list-style-type: none"> A. Pierre krieg ierste pries doevedwedstrijd: beste gries doef.. B. Aanmoedigingspries FC bemelen veur beste aanmoediger.. C. Oeuvrepries veur Pierre Pirnay, of waor 't noe oeuf-pries? 	



Foto 12

- A. Sjtraotpreeens van Bemele...
- B. Seniorenpreens van Bemele..
- C. Kaartclubpreens van Bemele...
- D. Jeugdpreens van Bemele...
- E. Hoeskamerpreens van Bemele..
- F. Sjoffelploogpreens Bemele...
- G. ...

Foto 13

- A. Bemelse meidskes promote gezichtsmassagestaaf tijdens Battle of the Sexes...
- B. Dames helpen Bart Houben bemeijken van kunstkoo...
- C. Optreije Alpenzusjes groet succes tijdens Carnavalszitting 2020...



Foto 14

- A. Ierste groete pries van de FC Bemelen is binnen: unne medaille van de Berggeitte
- B. Hartelik welkom asielzoeker in Bemelen...
- C. Nuij lid veur de kale koppe klub in Bemelen..

Foto 15

- A. Cafebaas jeug feestverrekes met carnaval nao café 't Plateau
- B. Sjuf mer aan menu cafe Roemers veur met de carnaval bekind: verrekespu..
- C. St Antonius (met 't Verreke) op zeuk nao nuij locatie veur de kermes...



Zoemer ff lache...

😊 Boerum zeen getrouwde mansluij miestal dikker dan vrijgezelle mansluij? Mansluij die vrijgezel zeen komme thoes, kieke wat d'r in de ieskas ligk en goon nao bed, Getrouwde mansluij komme toes, kieke wat d'r in bed ligk en goon nao de ieskas...

😊 Kump Hub Beijers 's aoves laat thoes, begint Marian tegen hum te sjrieue,... Wie durf ste zoe halfbezope thoes te kome... Iech kos neet anders, zag Hub, de cent waore op,...

😊 Wet geer wat Gertie 's aoves oet mot trekke um Matthie in bed te kriege?.....
de sjtekker van de televisie...

😊 Guido kump 's aoves thoes van 't werk, liet zich op de bank ploffie en reup tege Josien: Sjnel bring miech e pelske veurdat t begint,... e keteerke later, sjnel nog e pelske veurdat 't begint... tien minute later weer, sjnel nog e pelske , 't kin eeder moment beginne... Josien weurt giftig en sjriewt "verdomme wat is dat veur unne flauwekul, geiste noe de ganse aovend heij ligke te zoepe? Boe op Guido zucht:... te laat, 't is al begonne...

DE GERUCHTEMEULE


Heij zeen veer dan weer! De Geruchtemeule is auch dit jaor weer van de partij, mèt deepgravend journalistiek onderzeuk dat altied weer verbluffende resultate oplievert. En allemaal onder 't motto: éch woer, neet gelooge (of op z'n huugs 'n klein bitsje...).

Tot noe tow waor 't nog geine opgevalle, mèr de altied nuijsjierge redaksie van de Geruchtemeule kaom d'r bee 't lètste bevolkings-oonderzeuk – dat doen veer eeder jaor um de oplage van dees gezèt te berekene...– achter dat Bemele langzaam mèr zeker oet z'n ewewiech begint te rake. De balans tusse mènnekés en wifkes begint altied mieér door te sjloon nao de vrouwelike kant. Anders gezag: de geboorteciefers wieze op 'n vervrouweliking van de Bemeler bevolking.

De oorzaak daovan, höbbe deskundige (dat zeen veer, dus...) inmiddels oetgevogeld, is 'n vrouwelik geboortegolfje. Van alle baby's die in de aafgeloupe tied gebore zeen, is de euvergroete mieérderheid vrouwelik. Noe zult geer zègke: is dat 'n probleem? Op 't ierste geziech mesjens neet.

Mèr wat beteikent deze ontwikkeling veur – beveurbeld – alle 'mannelijke' vereiniginge in 't dörrep? Wie moot 't straks mèt de Joonkheid? Weurt dat de Joonkmeid? En goon die dan in plaats van de mei-den de zij-den opzètten? Of wat te deenke van de FC Bemele? Wat blijf d'r sjtraks euver van die sjpierballe-sjoffelploog es d'r allein nog mèr vrowluuj – nei, nei, dat zeen gein sjpierballe, menier... – zeen um de opegevalle plaatse in 't team op te vulle? En die ander sjoffelploog, weurt die umgebouwd tot nèj-krenske (oonder 't motto: neet mèjjie mèr nèjje)? Kriege veer sjtraks 'ne vrouwelike Raod van Ellef, mèt – um de zaak nog 'n bitsje geliek te verdeile – eine mannelike preens? Kriege veer 'n hermenie mèt allein mèr vrowluij die op de fluit bloze? Weurt de Damesvereinigung de grootste vereinigung van Bemele? Weurt handbalvereinigung Vebios opnuij opgeriech? Moot de gemeinte 'n extra brommerparkeerplaats aanlègke veur es in de toekóms al die vrijers op 't dörrep aafkome?

Geer zeet waal, veer höbbe d'r deep (en lang) euver naogedach.



En de belangriekste vraoge die veer ós gesjtèld höbbe: dat vrouwluij-euversjot, wie keump dat, en – nog belangrieker – wat kinne veer d'raan doen?

Um mèt de ierste vraog te beginne: veer weite 't neet. Mesjiens haet 't te make mèt verkied ete (of neet lang genog kauwe...), mesjiens ligk 't aan de sjtand van de maon (of aan de sjtand van gèt anders...) tijdens 't productieproces, veer höbbe gein idee. Netuurlik zeen veer 't auch nao goon vraoge bee luij die wáál nog mannelike naokomelinge op de waereld höbbe gezat. Die wiste 't auch neet precies te vertèlle, mèr volges Peter Beaujean, dae blykbaar gein probleem haet um jungskes op de waereld te zette, zou 't waal ins aan de paol kinne ligke. Aan ziene paol, um precies te zeen.

Dat is netuurlik lestig te controlere, zoonder al te deep in te griepe in de privacy van de betrokkene. Mèr Peter haet zich bereid verklaard ziene paol tijdelijk oet te liene aan luij die 'm ins wille oetprobere, um te kieke of dat wáál mannelik naogesjlach oplievert. Belangsjtèllende vrouwluij kinne ziech bee häom melde, en dan maoge ze 'm veur 'n paar daag mèt nao hoes neume. De paol, dus. Vrouwliuji die zich dao liever neet aan verluuchte, kinne d'r auch bee Peter ter plaatse gebruuk van kome make. Dat kin gemeekelik. De paol sjteit altied rech-op. Gewoen in de veurtuin.

Dus, luij van Bemele, es geer in de toekóms 't eweiech tusse mènnukes en wifkes in 't dörrep wilt beware, dan zit d'r mèr ein deenk op: gewoen paol houwte!!!



van Gregor
interieur & verbouwing

www.vangregor.nl
06-15423216

**METAALDRAAIERIJ
LAMBERT THOMASSEN**

Lambert Thomassen Draai- en freeswerk
Revisie van machineonderdelen

De Steeg 6 Telefoon: +31(0)43-4872568
6260 NK Bemmel Mobiel: +31(0)6-13485637
Email: lthomassen@tiscali.nl

Thomassen
Plant Protection

Hotel ***
Bergrüst
Brasserie

DE MEEST COMPLETE DIERENSPECIAALZAAK!

Conijarts
huis-, tuin-, diervoeders en benodigdheden
werk-, vlijfdekking en voldoestoechien

Rijksweg 46
Westbergweg 1
6325 BZ Berg en Terblijt
Tel. 043-604 17 43
Fax 043-604 20 69

H. & R. Andriën
Landschapsonderhoud, Loonwerk

Heij houwt
geer ouch kinne
sj taon

J D ELECTRO
DUYCKERS BV

- VOOR AL UW ELECTRISCHE INSTALLATIES •
- ONTWERP • AANLEG • SERVICE • Onderhoud
- 24-UURS SERVICE DIENST •

Molensingel 69 • 6229 PC Maastricht • W www.duyckers.nl
• T 043-3652210 • F 043-3652505 • E electro@duyckers.nl •

MINIPOLY_BEMELEN

DE SPELREGELS

- Minimaal veer sjpelers (eeder mèt eine versjillend gekleurde pion) en eine bankier.
- Begin bee 'Start'. Oet de bank krije eedere deilneumer 'n sjtartgeld van 11.111 euro. Daonao umste bäärt goeje mèt twie dobbelsjtein, en 't gegoejde aantal plaatse mèt uuge pion veuroet zette.
- Komt geer op 'n sjtraot terech, dan kint geer die koupe veur 500 euro, behauve de Zwarte Weeg (250 euro), de Fruitwei (veur allein keersje doen veer 't neet, dus die kós 1000 euro) en 't Diekuulke (10 euro). Lèt op: dat geldt allein es de straote nog neet door andere zeen gekoch!
- Es geer 'n straat höb gekoch, kint geer dao in de volgende bäärt 'n hoes op bouwwe. Dat kós uuch de pries dae op 't bord bee de straat vermeld is. Bee 'n volgende bäärt kint geer in dat hoes eventueel 'n bëd&brèkfas eupene, dat kós uuch dan nog ins 't zellefde bedraag. Oetzeunderinge op deze regel: aan 't Diekuulke maog gein hoes gebouwd weure, mèr allein 'n tent opgezat (pries 50 euro, wie aangegeve). En allein aan de Auw Aokerstraot is 't eventueel meugelik neve 't hoes eine péérdesjtal te bouwwe. Mèr allein es alle andere deilneumers 't neet mèrreke...
- Keump onder 't sjpele eine deilneumer terech op 'n straat die al door eine andere deilneumer gekoch is, dan moet heer aan de eigenaar van die straat 'n vergoeding betale ter huugte van 't bedraag dat bee de betreffende straat vermeld weurt. Sjteit d'r ein hoes (of ein tent) op, dan verdöbbelt de vergoeding. Is d'r auch nog 'n bëd&brèkfas in dat hoes dan verdreiböbbelt dat bedraag. Keump eine deilneumer terech op de Auw Aokerstraot mèt dao-op 'ne péérdesjtal, dan maog heer dae sjtal aaf laote breke, tenzij de eigenaar 'n vergoeding van 1.111 euro betaalt.
- Keump eine deilneuer terech op 't vak van een van de veer drankgelegenhede, dan kin heer die koupe veur 555 euro. Eedere kier dat daonao eine andere deilnemer op zoe'n vak terech keump, moet dae verpliech veur 11 euro consumpties aafneume, en vervolgens 'n bäärt euversloon. De eigenaar

MINIPOLY BEMELEN


Al ierder waore d'r monopoly versies
 Van diverse steden: Monopoly
 Amsterdam, Eindhoven, Gent,
 En Rotterdam
 't versjyne van un versie Monopoly
 Kerkraoj waor veur os de aanzet
 Um ouch Bemelen op 't (sjpeel) bord
 te zette.

Gein Monopoly mer, in al us besjeidenenheid, Minipoly....

Vee höbbe nét genog sjtraote kinne
 veende um d'r un volwaardige editie
 van te make.

met eenkele kleine aanpassinge:
 umdat de trambaar neet doorgeit
 höbbe veer de stations vervange door
 de cafés in Bemele deenke veer dat
 veer un versie höbbe gemaak die
 garant sjteit veur oren lang sjpel-
 plezeer en gevreigel.

De sjpelregels vind geer op de achter-
 Kant van 't sjpeelbord.
 Veer weense uch hiel veul plezeer.



TERUG NEER		PLAATEN	PUTTEGE ANTICUW GUNN	STEEN BEDURT OVERSL.	STEEN BEDURT OVERSL.	500 E	bit KAS
6 PL		ZWARTE	75	RUST	RUST	25	TERUG
		PLATEAU	75			150	LOTTERIJ
OZB	ZWARTE		75			250	REINIGING
100 E PER WONING						500 E	PLAATEN

MINIOPOLY



Bemelen

WEG ZWAARTE	PLATEAU	PUTTEGE ANTICUW GUNN	STEEN BEDURT OVERSL.	STEEN BEDURT OVERSL.	100	100	100
ZWARTE		75	RUST	RUST	100	100	100
OZB	ZWAARTE						
100 E PER WONING							



WON	50	250	Z 250 UIT KAS
		5	
		5	
		5	
		5	

ANETON	50	BERGST	100

WEE TERUG		START	
		X	
		500 E	

kin auch besjleete dat heer dat geld neet nuudig haet, mesjiens umdat 't m te druk weurt mèt vastelaovend of zoe, en de tap sjleete. In dat geval moet heer zelf drei bääörte euversjloon, en kinne de andere gewoen doorsjpele en eine andere café opzeuke.

- Dan zeen d'r auch nog speesjaal vakke. Beveurbeeld: de put. Komp geer dao per toeval in terech, tijdens 't sjpele, dan sjlaot geer 'n bääört euver. Komp geer dao terech vanoet 't vak 'Naar de Put', dan maog geer pas weijjer es geer 11 höb gegoeid (döbbel 1 is auch good). Weijjer komp geer onderweeg drei rösbanke tege: dat is 'n bääört euversjloon. Op twie plekke wijs eine piel uuch zés plaatse trûgk. Op twie plaatse vertelt 'n groete 2 dat geer 't gegoejde aantal punte maog vedöbbele. Komp geer onderweeg terech op de vakke 'Reinigung' of 'OZB', dan moot geer veur elk hoes dat geer in eigendom höb 't vermelde bedraag aan de bank aafdrage. Komp geer terech op de vakke 'Loterij' of 'Zwart (Werrek)', dan kiert de bank uuch de dao vermelde bedrage oet.
- Tot slot: 't vak (op de hook) mèt de piel nao Mestreech leidt uuch 't dörrep oet en bringk uuch in de mach van de Sjenge. Die laote uuch pas los es geer drie kier (in versjillende bääorte) twie gelieke höb gedobbeld (hoof neet per se achterein, mèr dat kin dus lang doore...)
- Eedere kier es geer onder 't sjpele langs 'Start' komp, krijg geer oet de bank eine premie van 111 euro.
- Komp geer geld te kort, dan kint geer bee de bank maximaal 1.111 euro liene. Geer krijg dan bee 't passere van 'Start' geine premie, mèr moot bee elke passage 111 euro aan de bank trûgbetale, en dat (vanwege de hoege rente) 20 kier. Hób geer geld te väöl, en wilt geer veurkome dat geer in 't sjpele alles opmaak, dan kint geer dat geld bee de bank in bewaring geve. Geer krieg dan 0,06 procent rente...
- Winnaar van 't sjpel is degene dae volgend jaor op de elfde van de elfde um 11.11 oor nog genoeg geld euver haet um vastelaovend te viere... Miestal is dat allein de bankier, dus...

VÄÖL PLEZEER!!!!

WIS GEER DAT? (deil 1)

Dao zeen veer weer met ozze rubriek "Wis geer dat,..." met allemaal nuijts dat geer misschien nog neet gehuurd höb omdat 't néét op facebook is gewaes is, geer nurreges komt of gewoen umdat 't misschien waal hielemaol neet woer is....

Wis geer dat... Veer van Preens Danny wiste dat heer good waor in opbouwe mer noe ouch gemerrek höbbe dat heer ouch fleenk de tent kin aafbreke?

Wis geer ouch dat... Max bliekbaar 'n sjtuk minder good is in opbouwe, umdat zien hoes nog sjteeds neet klaor is?

...en dat de geplande verbouwing van 't gemeinsjapshoes ouch nog sjteeds neet van de groond kump?

dat Max ouch in 't besjtuur van 't gemeninsjapshoes zit?
en dat dat volges os dus gein toeval is?

Dat veer deenke dat 't besjtuur zoe lang wil wachte tot 't gemeinsjapshoes onder de monumentenzurg velt um zoe misschien nog get subsidie te kriege?

Dat 't besjtuur zelf inmiddels ouch al langzamerhand onder de monumentenzurg velt....?

Wis geer dat... de bouw van 't hoes van Didier en Britt waal op sjut? En dat ondanks de ontdekking van unne prehistorische paerdesjtal in d'n tuin? Dat dae sjtal bliekbaar oets gebouwd is zonder vergunning van de Gemeinte? Umdat die ouch neet wiste dat dae dao laog?

Wis geer ouch dat,... Didier un hiel grote garage bee zien hoes haet?.... Mer die jaomer genog neet van humzelf is...

...es te neet zelf de leiding numbs bee de bouw dat die leidingen dan zoemer verkiedr kinnen komme te ligke?

Wis geer dat.... veer höbbe begrepe dat ouch Rim planne haet um te goon (ver)bouwe? Dat heer in de veurmalige keulcel bee pap en mam wil goon woene? Dat dat vreuger unne verrekessjtal waor? Dat veer dus deenke dat monumentenzorg dao blij met is? Umdat, Rim kinnende, de veurmalige verrekessjtal dus weer in de ouwe sjtaat hersjtelt weurt?

Wis geer dat... de bure, Nico en Els, ouch verbouwd höbbe... en dat zee 't plan opgevat houwe um eederein te vertelle dat bee graaf werkzaamhede ouw beerflesje waore gevoonde? Natuurlik in de houp dat eederein zou komme grave um die te zeuke?

Wis geer dat... Langs de zjwarste weeg ouch hiel sjiekemkes gebouwd is? Dat dao e klein vekansiehuiske is gebouwd? Mer dat dat zoe ongevaer zoe groet is es unne boetevilla? Dat Hugo noe de gordijne van de sjlaopkamer mot touw doen es heer nao bed geit?

Wis geer dat... Veer in Bemelen dreij Bekkers höbbe? dat dat ouch wel nuudig is umdat veer höbbe begrepe dat 't wittebroed in Bemele wel hiél sjnel op is...

Wis geer dat... 'n jaorelang traditie weer op is gepak in Bemele? Namelik 't bezeuk van unne Bisschop? Dat veer dan neet dae van Remundj bedoole dae op bezuek is gewaes mer dae van Sjpanje? Dat dae tenminste cadeautjes met nump veer de keender en de hoeskamer?

Wis geer dat... ouch de jeugdcarnaval weer op 't programma sjteit? Dat veur de jeug unne gezellige sjpingmiddag georganiseerd weurt bee café 't Plateau?

Dat zee waal gein balonnen mie op maoge laote? Al dat rubber van die ballonen is veul te sjlech veur 't milieu... Dat 't gebruik van rubber ouch gaaroet neet good umdat veer dan te wienig keender kriege veur unnen sjpringmiddag?

Wis geer dat... behalve de ballone dus ouch gein geit mie opgelaote maog weure? Dit op sjpeciaal verzeuk van de verontruste plateaubewoners die teveul las houwe van 't vleegverkeer van die lieg euvervleegende geite?

Veer dat waal jaomer veende? Veer 't waal passend houwe gevoonde es die ouch zelf uns na dat gemekker moste luustere van zoe'n euvervleegende geit....?

Wis geer dat.... Ouch aan de oudere weurt gedach met carnaval en dat de hoeskamer weer unnen gezellige middag organiseert veur eederein? Dat die met artieste fleenk oetpakke.. En dat ouch de raod aanwezig zal zeen?

...veer höbbe begrepe dat un aantal ouwre lede van de raod van elf aafsjeid goon numme (..dat sommige raodslede dao ins 'n veurbeeld aan koste numme....). Dat dat 'n sjoen moment is um zich dan aan te sjlete bee de Hoeskamer van Bemele?

De kopere kromme

De groete carnavalsorde van de Kopere Kromme, de oondersjeiing veur groete verdeenste veur de gemeinsjap Bemele en umsjtreke, weurt dit jaor towgekind aan:



De "Bemelse meisjes" vanwege het perfect organiseren van ein sjoen evenement "De Battle of the sexes" Gezeen de oetsjlaag verwachtte veer unne rematch volgend jaor...

FC Bemelen, winnaar van de aanmoedigingsprijs van de Gemeente Eijsden-Margraten, winnaar van de iersjte periode titel, en in 2020 vieren ze dat ze 50 jaor jonk zeen. Veer gunne hun ein sjoen bekroening van dit seizoen. Behalve de koperen kromme höbbe ze natuurlijk al eedere toeswedstrijd de echte kromme....

Menier Pesjtoer.... dae in 2020 even lang pesjtoer is es de voetbalclub besjteit. Ein hiele knappe prestatie in 'n beroep boe ouch de ledenaantalle terugloupe... Veer houpe dat dizze "kopere kromme" hum aanmoedigt om ouch zien 60 jaorig jubileum heij te maoge viere.

De seniorenvereniging Bemelen. Die met hun 50 jaar bestaan eigenlijk nog hiel piepjong is veur ein seniorenvereniging. Op nao de 65+....



PASSIE FLORA HOVENIERSBEDRIJF
Rijksweg 37 - 6325AA Berg en Terblijt

E-Mail: passieflora@zonnnet.nl
Tel: 06 - 53 33 94 42

.concept . uitvoering .
.onderhoud.

Wij nodigen U uit voor een lekker hapje en drankje
Zonnig terras in prachtig wandel en fietsgebied



CAMPING
VINKENHOF
café - restaurant
VIVA LA VINK

Engwegen2a
6305 PM Schin op Geul
043-4591389

HEIJNENS

INSTALLATIES

P. Heijnens Installaties v.o.f.
Marsweg 17
6225 BG Berg en Terblijt
tel: 043 - 60 80 377
fax: 043 - 60 80 378
06 - 520 953 36 Pedro
06 - 506 331 38 Pascal
info@pheijnens.nl
www.pheijnens.nl



Grondwerkzaamheden.
't Rooth 8, 6269 NV Margraten
0434072993 0653940355
e-mail: mnijskens@home.nl

***CRIJNS banden.n**



- * Maastricht
- * Bergerstraat
- * T. +31(0)43 363 55 66

A L E R E
HAIR & NAILS

FACE-IT
BEAUTY

Pastoor Brouwersstraat 18a
Margraten
www.faceitbeauty.nl

BÉRHUYNEN

TUIN • PARK • LANDBOUWTECHNIEK

Harmonie St. Laurentius presenteert:

KOM MET JE WALDHOORN TUSSEN MIJN... ALPEN !

„und hauen
auf die
Pauke..“

Wir blazen in
die Bergen....

Fieberbrunn





Martin van Kempen VAT services / BTW diensten

paul bovens
architectural design

www.paulbovens.nl
info@paulbovens.nl
+31 648967139

The logo features a stylized orange map of the Netherlands with the word 'KLINKERS' in large, bold, orange capital letters. Below it, the text 'GROOTHANDEL IN ZOETWAREN' is written in a smaller, orange sans-serif font. To the right of the map, there is a small illustration of a person holding a tray of candy.

Uitgebreid assortiment aan carnavalsmelange
Bezoek vrijblijvend onze showroom en website!
Gratis bezorgservice

Zoetwaren - Ijs - Dranken - Koffie/Thee
Carnavalsmelange - Disposables

T: 046 - 524 1722 www.klinkerszoetwaren.nl contact@klinkerszoetwaren.nl

The logo features a stylized graphic of four overlapping colored circles (red, blue, green, yellow) to the left of the word 'PLUS' in large, bold, white capital letters. Below it, the text 'Goed eten. Daar houden we van.' is written in a smaller, white sans-serif font.

Ralph & Veronique
Kaumanns
Berg en Terblijt



Nuij verkeersdrempels op 't Gastes:
...met glans van de schans.....



WIS GEER DAT? (deil 2)

En veer goon gewoen weijer...

Wis geer dat... de St Laurentiussjtraot lang touw is gewaes en danaao ouch 't Gasthhoes aafgesloten waor?
..dat zee de weeg opnuy höbbe geasfalteerd?
..veer deenke dat dat kump umdat de trambaan eindelik van de baan is? En de gemeinte in de maag zaot met un paar karre asfalt?

Wis geer dat... noe dat allemaol weer ope is veer gehuurd höbbe dat café Roemers met carnaval tou is?
...veer dat veul erreger veende dan dae weeg?
...nao un jaor met Miljaar beer, veer noe dus n jaor höbbe met:
Miljaar gein beer?
... veer begrepe höbbe dat gedurende de carnaval de naam ouch weer eve terök veranderd weurt in café Bergzicht,... euuh veer bedoole café Bergdicht...
... os dat deit deenke aan dat Leedsje van Guuw Meeuwis?
*"ik loop hier alleen, ben nog steeds op pad,
ik had eigenlijk graag wat te drinke gehad,
maar de mensen ze slapen, het café dat is dicht,
En dan denk ik aan 't Gasthuis, want daar brand nog licht..."*

Wis geer dat... veer van de gemeinte begrepe höbbe dat die dat al wiste en dat daorum de vangrail op de Bemelerberg is geplaats?
Um al die zaate luij neet de berg aaf te laote valle es ze nao 't Plateau motte?

Wis geer dat... zee ouch 'n aantal verkeersdrempels höbbe aangelag op 't gasthoes?
... en veer deenke dat 't mieste beer d'r dan ouch wel weer oet zal zeen es die zaatlep terök in Bemele komme?

Wis geer dat.... Ouch Bemele "las" houw van boze boere?
...dat Pascal Janssen in ien eintjse 't ganse verkier tusse Eckelder en Keer haet platgelag met ziene tractor?
... dat de Heemkunde Stichting sjpeciaal veur de boere te oondersjteune unnen "Boerentuig" kalender haet oetgebrach?

...dat zee met "Boerentuig" ech neet Hugo Andriën bedoele...
...dat Bart en Tim Houben op 't voetbalveld al hiel lang 'n fleenke blokkade legke...?



Wis geer dat... die van de FC Bemele dit jaor op trainingskamp zeen gewaes? ...dat die neet höbbe gekoze veur un Hoegtestage, mer mier veur un laag bij de grondse training in Sjpanje? ...dat die daoveur unne sjpeciale aanmoedigingspries höbbe gekrege van de gemeinte? ...mer dat zee ouch de innige genomineerde waore? ...veer de foto's van de training höbbe gezeen en zeker weite dat ste die gaste daomet neet noch weijer mos aanmoedige?

...unne oevre pries beter op zien plaats waor geweis veur Rob Andrien? ..ant es de familie Andrien de Sjteunpillaar van FC Bemele weurt genuemd, dan is Rob toch zeker waal de (inmiddles) Sjteunkouspillaar van 't twiede...

Wis geer dat.... Veer höbbe vernomme dat d'r planne zeen veur un Grieks restaurant in Bemele? De ierste veurbereidinge al zeen genomme met 't verve van hoes en kozijne in sjpeciaal Grieks wit en blauw?

...veer ouch höbbe begrepe dat d'r ouch al un heerlikke Tzatzricki

saus weurt gemaak.. ..en de borde regelmatig tege de vloer goon?

Wis geer dat...

...’t geluid bee ’t verjeurdagsfeeske van Tommy nóg heller waor dan dat van ’t Krutsje fees?

...heer volgende kier dan ouch beter breekjes in de bus kin doen bee gans Bemele, Hier, Sjaan, Amby, Berg en Cadier en Keer?

...veer höbbe begrepen dat heer inmiddels ouch al unne BBB haet gekrege? (Boze Belsje Breef...)

...veer os trouwens aafvraoge of Tommy noe ouch met Belsje nummerplate op de vrachwage mot goon rijje?

... dat ouch veul beter bee hum zou passe...

Wis geer dat... d'r un geslaag evenement is georganiseerd door de Bemelse meisjes? ...dat un feeske waor met unnen echte boksreenk? ...met de naam Battle of the sexes? Dat veer höbbe gehuurd dat allein Max ze (weer) op zien neus haet gekrege en dat allein Lei KO is gegange? Dat dao met dus dudelik de dames de winnar waore?

...dat Rim ouch tege de groond is gegange mer dat kaom undat heer euver Lei sjtruukelde? ...veer dat op zich un hiele prestatie veende?

...dat prinses Joyce veur de bokswedstrijd al ierder geoefend houw bee café ’t Haantje?

Wis geer tensjlotte dat...

... geer wét dat ’t pas ech unne bankencrisis is es Camiel bee ’n bank geit werreke? Heer euveriges waal ruim ervaring haet op ’n bank bee ’t twiede van de FC?

... Bemels Beste aafgeloupe jaor is aafgeloupe en noe waal missjien Bemels Leste weurt?

... L1 de tour etappe haet oetgezonde vaan ’t terras bee hotel Bergrust met un hiel groet TV sjerm?

... en dat Henk van Café Roemers aan Leon en Anita haet gevrao um volgend jaor de teleivisie in de woenkamer um te dreije zoedat ouch zien terras nao de tour kin kieke?

... Prinses Joyce un hiel gooij schoonheidsspecialiste is?

... mer de raod van ellef nao ’n jaor nog sjheels eve lielik is?

... dat Prinses Joyce un hiel sjoen poes haet?

... mer dat die zich dizze zomer nauwelijks haet laote zeen?

.... Umdat die bang waor veur unne hoond oet de buurt?
.... mer dat heure Preens op 't witte peerd gelökkig te hullep
kaom, en dae hoond 'ns fleenk de woerheid haet gezag?
....boe op heer met de sjart tusse de bein nao hoes ging.. (d'n
hoond, neet Preens Danny...)
.... En de Prinses vervolges Poeslief tege de Preens waor...
... en ze nog lang en gelukki laefde...

... dat de senioren vereiniging dit jaor hun 50 jaorig besjtaon
viere?
... dat die dus eve oud zeen es de voetbalclub? Dat d'r eine op 't
twiede voetbalt dae van allebei de vereiniginge lid zou kinne
zeen?
...dat 't fruit in 't Weike van Bemele nog neet riep is?
... en Peter Beaujeaun dus nog sjteeds zelf fruit mot inkoupe?
... dat veer benujd zeen nao de nuije liechting Bemelse wien?
... mer dat Chateau Chiradia noe al lekkerder kleenk dan Domein
Dulles...?
... in naovolging van Bemelen 1000+, die ouch neet precies wiste
wie oud Bemelen noe is, d'r Tump van plan is een 50- jubileum te
houwe umdat die 't ouch neet mie weite...?

... dat Math Huveneers achterop un bus is geklatst....?
... neet met ziene oto mer es foto op unne groete sjticker...?
..dat dat veur die bus neet oetmaakt umdat die ouch zoe al
onherstelbaar is besjadigd....

Wis geer dar? De gemeinte
bezigt is met de ontwikkeling van'n
middenterras?
... veer dachte dat dat 't terras
van Louk waor (tussen 't hoogterras
van Peter en 't laag terras van Henk?)

- **Wis geer wat dis tekening hei
naeve veur mot sjelle?**

Dan zeet geer vas en zeker met
de FC nao Mallorca gewaes, of
geer höb uch wel 'ns gedouched
nao unne voetbalwedstryd bee
de FC..... Bedenkt in dat geval d'n teks zelf mer....



ALLE JEUGD VAN BEMELEN OPGELIT!
DE JAORLIJKSE SPRINGMIDDAG
KUMPD'R WEEER AAN!

KINDER CARNAVAL 16 FEBRUARI

CAFE 'T PLATEAU

14:11 00R

ACTIVITEITEN:
SCHMINCKE. DANSE. SPRINCE.
OPEN PODIUM. ONTHULLE VD GEIT.
EEDEREIN MAOC OPTREIJE!!


En noe weite veer hielemaol nik s mie...

Verkeezing Gein Geziech 2020

Nao 'n aantal jaore met veul trots de verkeezing "Gein gezich" te höbbe gehouwe, kreege veer breeve van os mannelikke lezers die 't meuch waore um altied die zaate mansluij kop te zeen in dit gezetsje. Daorum, op sjpeciaal verzeuk, höbbe zee hun sjoenste foto's van hun vriendinne ingesjtuurd veur de vrouwelikke versie van "Gein geziech 2020"

Heij oonder zeet geer de genommeneerde....

Geer kint sjtumme tot dinsdagmiddag 25 februari boe 't "Gein Geiech 2020" weurt bekroend in de zaal.



CARNAVAL

IN DE HOESKAMER !!

Woensdag 19 februari
Hotel Bergrust

Henrico



Gilbert Petit



Gezellige middag
met muziek en buut...
Voor iedereen !!

Aanvang
14:11

Gratis Toegang !!

Zoemer ff lache...

😊 Eddie kump langs bee Deun en vreug: heij... os hoezer zeen toch allebei eve groet hè? Jao dat klop zag Deun. Boe op Eddy vreug: wie stiech lets behange höbs, wieveul rolle behang höbs tiech toen gekoch? 12 sjöks zag Deun. 'n paar daag later kump Eddy Deun weer tege... Zegk, zaet Eddy, iech houw 12 rollen gekoch mer iech how d'r 7 euver...
Jao, zaet Deun, iech ouch...

😊 Ober, mien glaas is laeg....
Wilt geer noch ein glaas? Neij, wat mot iech met twie laeg glazer?

😊 Zit 'n ouwer echtpaar bee de Seniorenmiddag... Eedere kier es de man get vroog dan waor 't sjatteke dit, leeveke dat, honneponneke hei èn lieverd dao... echt geweldig. Wie de vrouw eve nao t toilet waor sjpraok iech de man aan en zag: ech geweldig dat geer nao zoeveul jaor nog sjteeds verleef zeet en van die leve koosnaampjes höb veur uch vrouw.. Sjei oet zag de man fluusterend,... iech kin al tien jaor neet mie op heure naam komme,...





wie laat beginnt dae Taptoe?

wie zegk d'r.....?

höbb ieich dat verkierde begreper?



Foto's Groete zitting 2020





